

ادبیات عمر و بیخبر عری

هفته‌لق سیاسی ، ادبی و علمی غزته‌در .

جلد : ۱

سنه : ۱ ۳ ربیع‌الآخر ۱۳۳۵ جمعه ایرتسی ۱۴ کانون ثانی ۱۳۳۲ نومرو ۱۳

تاریخده رومانی

افلاق . — طونه‌نك شمانده، قدیم (داجیا) Dacia خطه‌سنده تقریباً عینی‌عرندن وعین
لسانی‌تکلم ایدر قبائل موجوداولوب بونلر شو بش ایالتی‌کندیله‌ینه وطن‌اتخاذ ایتشلردر: ۱- افلاق
(والاکیا) ؛ ۲- بغدادن ویا مولداوا (مولداویا) ؛ ۳- اردل (ترانیلوانیا) ؛ ۴- بوقووینا؛
۵- بسارابیا (بوجاق) . برلین معاهده‌سندن صکره (دوبریجه) رومانیایه التحاق ایتدیکندن
(رومن) قومی اورایه‌ده کیرمشد . بوآلتی قطعه‌دن ماعدا رومونلر بالقان شبه جزیره‌نك هان
هریرنده ، لکن کوچك براقلیت اولق اوزره ، بولنورلر . شرقده ، صربلردن ، یونانلیلردن ،
بولغارلردن دها غلبه‌لک اولان (رومون) ملت بش‌یچق شمدیکی رومانیاده ، ایکیسی روسیه‌یه
عائد بسارابیاده ، اوچی مجارستانه عائد اردلده ، برربع ملیونی بوقوویناده اولق اوزره تقریباً اون
برملیون فرددن عبارتدر . روم‌ایلیده ساکن رومون = قوچوولاح = چینچار اهاالینك عددینی
اللهدن بشقه‌بیلن یوقدره . بوخاق‌دین و تربیه‌اعتباریله بیزانتین‌اولوب رومون ، رومدن ده روم دیمکدر . هر
قطعه‌نك تاریخی‌آیریدر . یالکز افلاق‌ایله بغدادنك مقدراتی ۱۸۶۰ دن اعتباراً برلشیر . بوملت‌من‌القدیم
آزلیش بر حالده محافظه جنسیت ایده‌بیلمشدر . افلاق ، [والاکیا] کله‌سندن کلیر . اولاجه
Zara Roumaneska [روما مملکتی] دیمک ایش . افلاق قدیم داجیانك قسم جنوبی‌سنده .
کائندر . بواسکی قطعه شمدیکی رومانیادن ماعدا عصر حاضرده کی مجارستانك تقریباً نصفی احتوا ایدردی .
ایمپراطور (آوغوستوس) عهدنده ایلاک دفعه اولق اوزره روما لشکری داجلره قارشی
کلدی . او حوالیده مغلوب اولان رومالیلر ایکنجی قرن میلادینك ایلاک سنه‌لرینه قدر اهاالی
محلیه‌یه فدییه ویریرلردی . ایمپراطور (ترایان) بو مکلفیتدن قورتولق ایسته‌دی . اورالرده تهیات
مهمه‌ده بولوندی . اردولر غالب کله‌رک مملکتی یغما ایتدیلر . الکا خالی‌قالدیغندن روما له ژئونلری
اوراده یرلشدی . بواردولرک اک سفلی ورذیل مخلوقاتدن انتخاب ایدلدیکی تاریخ‌شناسانجه‌هر ویدر .
یدنجی عصرده روسیه‌دن کان بولغار واسلاولر اوراده راست کلدکاری رومالی زراعه (ولاح)
Vlah نامنی ویردکاری روایت اولنیور . (بونك عکسی‌ده ادعا اولونمشدر) . ۲۷۴ سنه‌سنه
قدر روما ولاتی افلاقیده حکومت ایتشلردر . (غوط) ، (هون) ، (گه‌پید) ، (لومبارد) ،
(آوار) اقوامی بو مملکتی لایقیله یغما وتاراج ایله محو ایده‌جک درجه‌یه کتیرمشلردر .
بونلردن قاجان اولاحلر (کوچك افلاق) دنیان طونه‌ایله (آلوته) Aluta آرده‌سنده کی

ایالتہ کیتمشلردر . طقوزنجی عصرک صوکلرندہ تاتارلر افلاقی فنا حالہ تخریب ایتشلردر . بونلرک شرندن فرارایدن خلق - کہ ہان بتون مملکت سکنہ سی ایدی - قارباطلری آشہرق اورالہ یرلشمشلردرہ . بواہالینک بر قسمی (سیاہ رادو) Rado Negro ایلہ (بوغدان) Bogdan ک دلاتیلہ بغدان مملکتہ ہجرت ایتشلردرہ . تاتارلردن صکرہ عثمانلی ترکری رومانیا بی تہدیدہ باشلامشلردرہ . (میرچا) Mirtza اسمندہ بر ویوودہ ، ایلک دفعہ اولقی اوزرہ ، ترکلرہ ہجوم ایتدیکندن محاربات متسلسلہ باشلامشدر . (افرنجی ۱۳۹۱) . عہد بایزید خانیدہ مملکت خراجہ ربط ایدلمشدر . ۱۴۲۴ - ۴۸ دہ مجارلرلہ اتفاق ایدن اولاحلر نتیجہ کاردہ کندیلرینی حکومت سنیہ ربط ایدن زنجیرلرک تقویہ سندن بشقہ بر شی یا پامش اولدیلر . آطہ لرک فتحی ایلہ مشغول اولان فاتح محمد ثانی ک غیابندن استفادہ ایدن اولاحلر بر آرمساعدہ استحصال ایتشلرایسہدہ بالاخرہ فدیہ دائمیہ محکوم اولمشلردر (ہجری ۸۶۶) . اوزمانکی افلاق ویوودہ سی (دراقولا زادہ ولاد) Vlad اولوب تاریخمزدہ (قرہ شیطان) اسمیلہ یاد اولنور . ظلم ایلہ پک مشہور اولان بو آدمینہ بزم تاریخلرزدہ (قازیقلی ویوودہ) اسمیلہدہ معروفدر . دولتدن ایتدیکی استمداد اوزرینہ کوندریلن ویدین بکار بکیسی (چتارجی حمزہ پاشا) ایلہ معیتی بو منحوس طرفندن قازیقلاشمشدر . صدراعظم محمود پاشا کافی عسکر ایلہ قرہدن افلاقہ داخل اولمش و فاتحہدہ ایکیوز الی چکدیری ایلہ دکزدن طونہیہ کیرمشدی . میخال زادہ علی و اسکندر بکار ، (مالقوچ زادہ بالی بک) ، ترخان زادہ عمر بک ، اورنوس زادہ احمد بک ہمتیلہ مملکت کاملاً فتح ایدلمش ، (ولاد) مجارستانہ قاچمش و ویوودہلق بافرمان درکاہ عالی ملازمینندن ولادک قرداشی (رادولا) یہ ویرلمشدر . عقد ایدیلن مقالہ موجبجہ (۱۴۶۰) افلاقک ویرکوسی اون بیک غروش ایدی . بو ائتلافنامہ مقتضاسنجہ متروپولیدی ویوودہ انتخاب ویوودہ بی دہ بویار (اصلیل زادہ معناسنہدر .) لر ازائہ ایدوب ذات شاہانہ نصب ایدہ جکدی . ۱۵۴۴ دہ ترکلر ابراہیل ، یرکوی (جورجووو) (طورنو - سہوہرین) دہ قلعه لر یاپدیلر . یغمالر ، ہجوملر ، غنیمتلر ، قادین وچوجقلرک استرقاقی کمال شدتلہ دوام ایتدی . ۱۵۹۳ دہ (دیوودہ میخال) ، اردل پرنسی (سیکیز موند) و مولداویا بکی ایلہ بالاتفاق مطالبہدہ بولوندی . مراد ثالث عہدندہ کندیلرینہ بر آز مساعدہ کوسترلدی ایسہدہ محمد ثالث قوتلیجہ بر اردو سوق ایتدی . میخال بکک عصیانی مہم اولدیغندن صدر اعظم قوجہ سنان پاشا تادیبنہ کوندرلدی . اوغلی محمد پاشادہ مجارستان سر عسکری نصب اولندی . عثمانلی عسکری احکام ایتدکاری (بکرش) و (ترغوویشتہ) قلعه لرینی غائب ایتدی . بتون مستحفظلر کسلدی . اردوی ہایون دہ یاصقینہ اوغرایہرق تلفات مہمہیہ کرفتار اولدی . او ائنادہ مجارستاندہ (استرغون) قلعه سی دہ آلدن کیدیوردی . بو حال ترکلرہ بک آغیر کلدیکندن دفعہ خامسہ مہر صدراتہ مالک اولان قوجہ سنان پاشانک و شیخ الاسلام (تاج التواریخ) صاحبی خواجہ سعدالدین افندینک تشویقاتیلہ محمد ثالث بالذات سفرہ کیتدی (بشنجی سفر ہایون) . (اگری) Erlau فتح ایدلدی . نمسہ امپراطوری (ماقسیمیلیان) ، اردل فرالی (سیکیز موند) قارشلی کلدیلر . درجنک اول (خاچ اووہ) Kerestez دہ اردوی ہایون مغلوب اولدی ؛ اعدا اوتاق شہریاری جوارینہ قدر یاقلاشدی . عسکر وامرا فرار چارہ لرینی تھری ایدرکن خواجہ سعدالدین افندی ترغیباتہ باشلادی . پک مہم نصائح سردایتدی . مزاید ایدن عزم وقوۃ قلب ایلہ اردودہ بر بشقہلق حاصل اولدی (۱) . اعدا سرمست غرور اولہرق (۱) معلومدرکہ بو محاربہدہ دشمن اوتاغ ہایونہ قدر ایلریلہمش ومعیت پادشاہیدہ بولونان آشجیلرک وسائر خدمتکارلرک غیرت وشجاعتلری سایہ سندہ رجعتہ مجبور اولمشدر . احراز ظفردہ آشجیلرکدہ تأثیری اولمشدی . حتی بو ظفر ائناسندہ دشمندن آلینان بر مغفر طوب قیو سرای ہایونندہ کی مطبخک قاپیسی اوزرینہ آشجیلر طرفندن بر غنیمت ظفر اولارق آویلشمشدر .

عثمانیلری تعقیبه قویولمشلر وبالطبع طاغلمشلردی . بونلر (طلیعه) قوماندانی جغاله زاده سنان پاشا و (قالغای فتح کرای) سلطانک آتشنه اوغرایه رق قهقهیری برهزیمه کرفتار اولدیلر . نتیجه قصه ، میخال بک جزاسنی بولدی ، قتل ایدلدی وافلاقک استقلال پامال عثمانیان اولدی . آندن صکره پادشاهلر مزایستدکلرینی وویوده نصب ایتدیلر . مملکتک قوتی زائل اولدقجه باب عالینک مطالبی ده آرتدی . ادرنه معاهده سندن صکره روسیه ده مملکت امورینه مداخله یه باشلادی . بواننده ، هر وویوده نک نصبنده ویرکو تزید ایدیلیوردی . ۱۷۱۴ ده (برانقوان) وویوده ایله عائله سی توقیف ایدلدی . آنک حلقندن صکره بکلک فنار روم متحیزانه توجیه اولونه کلدی . بونلرک زمان امارتنده افلاق عادتاً چفتلک اوله رق اداره ایدلشدر . بو عصرلرده اهلینک سویه بشریه سی صوک درجه ده ایتمش ، ظلم جوغالشدر . طقسان سنه ظرفنده ، (نیقولا ماورو قوردانو) بکدن اعتباراً قرق قدر بک دکشدی . صراحی و فنار بطریقنی ممنون ایتک ایچون بونلرک یامدقلری قالدی . بوبکلرک سفاهتی حدی آشدی ومملکت اعیانی ایچون سوء مثال اولدی . بیزانس اصولی ، اخلاق و اخلاقسزلنی ، کهوشکلکی ، رذائلی ذاتاً باربار طبیعتلی اولان اولان رومونلره کچدی . سحیه لر بوزولدی . صنایع ومعارف کریله دی . فحشیات صوک درجه ده ترقی ایتدی . فنار بکلرینک اداره سی افلاق تاریخنده بر صورت مؤسفه ده مشهوردر . (کوچک قینارجی) معاهده سنده روسیه نک پولتیقه سی باب عالی یی رنجیده ایتک ایچون خرستیانلرک حمایه سنه مصروف اولدیغندن مداخله باشلادی . ۱۶ نجی ماده موجبجه بو حق مداخله باب عالینک مظهر تصدیق اولدی . (یاش) معاهده سی بو شروطی تأیید ایتدی . روسیه نک ابرامیه (هوسپودار) لرک یدی سنه ایچون انتخاب ایدملری اصول اتخاذ ایدلدی . بوندن صرفنظر افلاق هوسپوداری (ایپسیلاتی) وبغدان هوسپوداری (موروزی) عزل ایدلشلردی . بو حال روسیه نک اعلان حربنه وسیله اولدی . ۱۸۰۶ ده روس عساکری مملکتینی اشغال و ۱۸۱۲ ده تخلیه ایتدی و (بکرش) معاهده سی امضالندی . اشغال اثناسنده مملکتین روسیه نک یک زیاده درشت معامله سنه دوچار اولندی . ۱۸۲۷ موره اختلاللری اثناسنده بش سنه دها روسیه اشغالی دوام ایتدی . ۱۸۴۹ [بالطه لیانی] معاهده سیله مملکتک قانون اساسی قرار کیر اولدی . بو معاهده موجبجه مملکتلر باب عالینک خرج کذار ی و روسیه نک حمیسی ایدیلر . هوسپودارلق پرنس (آکساندر کیفا) یه ویرلدی . (پارس) معاهده سیله دول معظمه افلاق وبغدانک مظهر تنسیقات اولسی اساسنی قبول ایتدیلر . فی الواقع مملکتین برر پرنس انتخاب ایده جکلر ایدیه ده هرا یکسی بردن (قوزه) بکی تعیین ایتدیلر . باب عالی انتخابی ۱۸۶۱ ده قبوله مجبور اولدی . بک ، برنجی (آکساندر - ژان) نامنی آلدی .

بغدان . — ویا (بوغدانیا) نامی مملکتک ایلاک امیری بغداندن کلیور . اسم دیگر - مولداویا - ایسه (مولداوا) نهرندن مقتبسدر . عینی لسانی متکلم وعینی عرقدن کلن بر قوم ایله مسکون اولان بغدانک اداره سی قوزه بکه قدر آیری ایدی . مملکتینک مقدرات تاریخیه سی بربرینه موازی اولقله برابرینه مستقیدر . بغدان ۱۰۶ ده ایمپراطور [ترایان] طرفندن رومایه الحاق ایدلشدر . مهاجرت عمومیه دورنده بغدان ده - افلاق کبی - خیلی خسار زده اولشدر . بو حالات عثمانلی ترکلرینک ورودینه قدر دوام ایتمشدر . اون برنجی عصرده مملکتی بولغار و جرمانلر یغمایه قویولمشلردی . جرمانلرک اوراده قوزدقلری - حکومت فانیه ۱۲۳۹ ده منهدم اولشدر . آنک اوزرینه مونغوللار

بغدانه داخل اولیورلر. بونلردن صکره نوبت غنیمت نوغایله کلیور. ایشته، بویلهجه، بیکسینه بغدادیلر ظلم وشدته اوغرامشلردر. بغدادن برخیلی زمان له و مجارلرکده احتراضاتی آرهسنده چالقالامشدر. فقط بوملتلرک ترکلرخصم مشترکی اولدیغندن بغدادیلرله آرهصره اتفاقده ایدرلردی. مثلاً (نیکبولی) محاربهسنده بغدادیلر اتفاق صلیبییه خیلی یاردیم ایتشلردر.

ادعالرینه نظراً وارنه محاربهسینه اشتراک ایدن بو خاق کندی صفرلنده غالب کیشلردر. آندن صوکره مملکتده دهشتلی بر حکومتلرک حکمفرما اولمشدر. بوندن استفاده ایله اهلایلر اورالرده ایستدکلرینی یامشلردر. بو ائشاده استانبولدن برچوق روم عائلهسی بغدادنه هجرت ایتمشدر. بیوک آلتنجی (ستفان) عهدنده بغدادن موقه استقلالنی استردادده موفق اولمشدی. (هونیادی یانوش) ک اوغلی قرال (ماتیاس قورووهن) ایله اشتراک ایدن بو حکمدار دفعاتله ترکلره هجوم ایله موفقیت استحصال ایتدی. خلفی (دردنجی بغدادن) (۱۵۱۷) سلیمان قانونییه اطاعتکار اولدی. لکن (یدنجی استفان) مجارلر و اهلایلرله تکرار اتفاق ایتدی. (مهاج) محاربهسنده اعدانک کافهسی منهزم و (ستفان) مقتول اولدی. سلیمان ثانی بغدادنی کاملاً ربقة اطاعته آلدی. ۱۶۱۰ ده بویارلر وویوده انتخابی حقندن محروم قالدیلر. ۱۶۶۵ ده ایلك دفعه اورایه بر روم بک کوندرلدی. افلاق ایچون روم بکلری هر نه یامشلر ایسه عینیله بغدادندهده آنی یامشلردر. روسیه نك دلالتیه (کوچک قینارجی) معاهدهسنده بغدادیلر بعض مرتبه حقوقلرینه نائل اولدیلر.

ادرنه معاهدهسیله، کذا، روسیه حق حمایهسینی تصدیق ایتدیردی. (قریم محاربهسندن) صکره، (پارس) معاهدهسیله، روسیه نك حمایهسی قالدی. و (بسارابیا) نك بر قسمی بغدادنه ویرلدی. آندن صکره مملکتین بکلی Principautés Unies de Moldavie et de Valachie فرانسه، آوستریا، انکلتره، پروسیا، ایتالیا، روسیه و حکومت عثمانیه نك تحت ضماننده تشکل ایتدی. عینی زمانده هرایکی مملکت قوزه بکی انتخاب ایتدیلر.

مملکتین، رومانیا. — قوزه بک ایله مملکتینک مقدراتی برلشیور و رومانیا بر دولت اولق اوزره صحنه تاریخه کیریور. دول معظمه هرایکی مملکت طرفندن عینی بک انتخابی اولاپروتستوه، صکره تصدیق ایتشلردی. ۱۸۶۳ ده قوزه، مناسترخقوقنی الغا ایتدی. بومناستر مالکانهلری ممالک عثمانیه داخلنده کی روم مؤسسات مذهبییه سینه عائد بولوندیغندن ویرکودن معاف ایدیلر. کذلک رومانیا قوانینتی ده طانیورلردی.

هرسینه، بونلرک عظیم وارداتی ایله، استانبولده وسائر ممالک عثمانیهده کی برقاچ بیک روم پاپاسی تکثیر ثروت و تزید سفاقت ایتکده ایدیلر. بونلرک مصادرهسی اوزرینه مملکتین روملره بر خیلی تضمینات ویردی. رومانیا اراضیسینک اکثریتی بو کی اوقافدن عبارت ایمش.

پرنس ایله اعلی پیننده بیوجک اختلافلر حاصل اولدیغندن بوراده تفصیلندن صرف نظر ایتدیکنز وقایع نتیجهسنده قوزه بک ۱۸۶۶ ده امارتدن فراغت ایتدی. (ژان گیفا) نك ریاستنده بر حکومت موقته طوپلاندی. مملکتین امارتی بلجیقا قرالنک برادری (قونت دو فلاندر) ه (برنجی فیلیپ) نامیله تفویض اولونمق ایستهندی ایسهده بو ذات تکلیف اولوتان تاجی قبول ایتدی. و پروسیا قرالری خاندانک قاتولیک قولنه منسوب (کارلفون هوهنچولرن - زیغمارینغه) آرای عمومی ایله پرنس نصب اولوندی. ۱۲۹۳ محاربهسنده روملر نقض تابعیت ایدرک روسلرله اتفاق

ایتدیلر . بونلرک معاونتیلہ روسیہ غالب کلدی . (برلین) قونغرہ سی رومانیا نیک استقلالنی تصدیق ایتدی . روسیہ - غریب جلوۂ طالعدر - محاربہ دن صکرہ اولاح اہالی ایلہ مسکون (جنوبی ہسارابیا) یی رومانیا دن نزاع ایلہ آکا اولاح سکھہ سی اولیان (دوبریچہ) یی ویردیردی . بالقان محاربہ اولاسندہ اوصالو طوران رومانیا ایکنجی محاربہ دہدہ بواغزار اراضیسنہ کیردی . بکرش معاہدہ سیلہ سلسترہ ، دوبریچ و بالچی بولغارستاندن آلدی .

اردل - فرنکجہ سی [ترانسیلوانیا] Transylvania اولوب [اورمانلرک اور برطرفی] دیئکدر . یوراسی دہ اسکی (داچیا) اقسامندندر . من القیم لہیلر ، تاتارلر ، مجارلر ، عثمانیلر بینندہ منازع فیہ اولان وروما زمانندہ (ترایان) طرفندن فتح ایدیلن بو قطعہ دہ الیوم خلی آلمان مستعمراتنہ تصادف اولنور . ۱۰۰۴ دہ مجار قرالی (برنجی ستفان) اردلی فتح ایتشد . ۱۵۳۴ سنہ سنہ قدر بو مملکت مجارستانہ تابع اولمش و (مہاج) محاربہ سندن (قارلوفچہ) معاہدہ سنہ دکن حکومت عثمانیہ حمایہ سندنہ بر قراللق تشکیل ایتشد . اون سکزنجی عصرک اوائلنہ طوغری ینہ آوستریا - مجارستان نفوذینہ رجوع ایلہ مونارشینک ہررکنی اولیور . اردلہ نصرانیت مجارلر واسطہ سیلہ ادخال ایدلشد . عثمانیلر مملکت مذکورہ یی دفعات ایلہ تاراج ایدرک حرمرای ہایونہ اورادن سورولر ایلہ کوزل جاریہ نقل ایتشلردر . « نتائج الوقعات » دہ کوریلن فقرہ در : « اردل قراللقی سلطان سلیم مرحوم مجارستانی فتح ایتدکدہ اردل حا کمی بولنان (یانوش) ی بودین تختہ اصعاد و سکزن اون سنہ مرورندہ وقوع وفاتنہ مبنی اوغلی استفانی پدري مقامنہ اقعاد ایتشیدی . لکن استفان صبی شیرخوار اولوب والدہ سی وکالۂ تسویۂ امورہ قائمہ اولدی ایسہ دہ نمچہ لولر بو وسیلہ ایلہ قلعۂ بودینی تسخیر ایتک سوداسنہ دوشدکلرندن قلعۂ مرقومہ ولایۂ دولت مجارستانہ تودیع واردل قراللقی مزبور استفانہ توجیہ بیورلدی . بوندن صکرہ مذکور قراللق بیک یوز تاریخنہ قدر پایدار وتابعیت سلطنت سنیہ ایلہ شہر تشعار اولدی . . . اردل قراللرینک تشریفات ومعاملاتجہ افلاق وبغدان ویوودہ لرندن برقاق وجہلہ فرق وامتیازلری اولوب اولا القاب ومناشیردہ مملکتین بکلرینہ ویوودہ واردل حکمدارلرینہ قرال تعبیر وتسطیر قیلنور ایدی ثانیاً حین نصبرندہ مملکتین بکلرینہ قوقہ تعبیر قلنان وقول کتخدالرینہ مخصوص اولان قلنسوہ کیدیریلوب اردل قراللرینہ قورونہ دنیلن تاج اعطا اولونہ کلشدر ثالثاً مملکتیندہ بولونان قلاع امرای عثمانیہ دست محافظت لرنندہ اولہرق اردل قلاعی ایسہ قراللرہ مودوع بولونمشدر . رابعاً مملکتین امارت لری صکرہ لری روملردن خدمت دولندہ اولان بعض کسانہ توجیہ اولنہ کلوب اردل قراللقی ایسہ دائماً اہالینک انتخاب ایلدکاری یرولوکبراسنہ تفویض اولنور ایدی . »

چینچار قومی - رومانیا یہ عائد اولان فقرہ لر مزیدہ روم ایلینک ہان ہر جہتندہ ، شمدیکی بولغارستاندہ ، یونانستانک ہر گوشہ سندنہ اصلاً لاتین ورومالیلرہ شبیہ اہالی بولوندیغنی ایما ایتمش ایدک . بونلرک عددی - تکرار ایدہ لم - مجہولمزددر . رومانیا پروپاگانڈیستری طرفندن یاپیلان جداولندہ عددلری بیک زیادہ مبالغہ ایدلدیکی کی یونانیلرک احصائی تندنہدہ بونلرک اعرابدن محلی یوقدر . فقط غیرقابل انکار درکہ بومقولہ اہالی موجوددر . چینچار = کوچک اولاح = قوچو ولا حلرک اور تودوقس کلیسائی ایچندہ حزب مخالف اولدیغنی اسکیدن تاریخ قید ایتیور . لکن ، بالا آخرہ ، ماکدونیا مسئلہ سنک ظہوریلہ ترکلرک اوروپادن چینقاریلہ جنی موضوع بحث اولدیغنی وقت بولغارستاندن بر تعویضہ نائل

اولی ایچون (که اولشدر) رومانیا دولتی بو دین مسئله سنی اورتیه قویمش و فرید پاشانک اوان صدارتنده استحصاا حقوق ایشدر. ایکنجی بالقان حربندن صکره رومانیا، بولغارستانده اولاحلرک حقوقی تصدیق ایتدیرمشدر. بواهالی غیور، چالیشقان، زنکین و مستعددر. چوقلق ساکن بولونقلری یر (مچوه) قضاسیدر. یانیه ولایتده کثرتله بولنورلر. جنربیلیرک آره سنده روملاشانلر آز دکلددر. یونانستانه خدمت ایدن متمولان آره سنده بولنرک اسامیسنه تصادف ایدیلور. ماکدونیا ده کومه کومه اولاح واردر. صوک زمانلرده سلانیکده مؤسسات علمییه و خیریه ده وجوده کتیرمشلردی. سابقا ماکدونیا یه (بیوک افلاق = والا کیا) دینیردی. بولنر علی الا کثر مواقع مرتفعه سکنه سیدر. صربستانده ده مثالرینه تصادف اولنور. هریرده سعی و ثروتلریله مشهوردرلر. René Pinon [رونه پینون] ک شرق مسائلنه دائر محراتنده ودها سائر بر چوق کتیده بولنره عائد معلومات وارسه ده تفصیلی شمديکی صددمیزک داخلنده دکلددر. کذاک بو عرقک افرادی قلیل و مقدرات عثمانیه یه تاریخچه دخل و تأثیری جزئی اولدیغندن تاریخ اعتباریله ده منشألری حقنده بیوک برشیی سوبله مکی مرجع کورردک. Sir Charles Elliot کوره - رومانیا فصلنده کی منشأ کله یه مغایر اولی اوزره - Vlach لفظی له (پولونیا) جه لاتینجه متکلم معناسنه ایتالیا ندن مشتقددر. Vlach, Sir E. Pears کله سی ایله، Gael, Gaul, Galatia, Wales, Welsh -- که انکلتره ده Pays de Galles دیمکدر - کله لری آره سنده قرابت لسانیه کورییور. بو کله لر [اجنبی] مراد فی ایمش. فی الحقیقه اولاحلره اجنب طرفندن (اولاح) دینور. کندی کندی لرینه Armani, Rumanî اطلاق ایدرلر. لکن بتون بوا دعالر قیطی دکلددر. حتی بوا هالینک [ایمپراطور ترایان] ک مستعمرلری اولدیغی ده مثلاً Rössler کی مدققرجه انکار ایدلشدر. مومی الیه کوره ۱۲۲۲ دن اول شمالی طونده ده رومالیرک یرلشدیکنه دائر وثیقه معتبره یوقدر. بومبجی تطویل و تفصیله لزوم کورمیوز.

مهرل نوری

جرم مشهود

سلیمان قانونی بو یوک مظفریتلرندن بریخی احراز ایتدکن صوکره، وندیک ورا کوزه (یعنی دوبروونیک) ایچیلری قورقولرندن پادشاهک خاک پاینه یوز سوروب عرض خلوص ایدرلر. او زمانکی موسقوه چاری (واسیلی) ده بوتظاهراتی فرصت اتخا ایدهرک آوروپا عائله مدنیه سنه داخل اولی سوداسنه دوشر و دیوان سلیمانی یه (ایوان موروزوف) اسمنده بر سفیر اعزام ایدر؛ قانونی ده بوکا جواب اوله رق مرخصی استحقار ایتدکن باشقه چاری ده استصغار ایدوب، « اویله بر وحشی ایله هیچ بر مناسبتیه کیریشمک ایسته مدیکنی » اراده بو یورمش!

بر زمان درجه مدنیتی بوجواب ایله متناسب اولان و وحشتدن قورقولی ایچون عثمانلی سایه سنه التجا ایدن روسیه، بوکون متفقلریله برابر بزه اسکی و بلکه شمديکی حالی اسناد ایتک ایستور! فقط